

Filemona

Filemona veize Paulo'a

Mirihirote'e So'ağa

Ihore Ġoe'a

So'a 'ahi'e Paulo'a Roma ga Efeso zamağano ġu'a neğano Filemona veize mirihiro. Filemona'e Kolose ekalesia ibitozi'ete'e vazega, ebu ekalesia azağani'a ane neo nu'oranadu kuraro. Filemona tuğure vazega 'ahoga, niğa Onesimo'a ibite Filemona mazaono'o hadi ga ġau nu ġonotanadu feraro ebu vesu'u Paulo hidiro. Paulo'a Iesu hari manoga Onesimo mazao haramirotene ani zuni Iesu mae ġihiniro. Paulo'a Filemona mazao so'a 'ahi tuğuradu Filemona'a Onesimo hağai sau'a aġutu modoga uminiro, ebu Onesimo zuni ekalesia vazega 'ahoga radu Filemona'a ani mae ġihinoga uminiro.

¹ Ege, Paulo'e Keriso Iesu u'ano ġu'a neğano radiu'ohe. Emege zamarone vazega zu gau tiba vazega, Filemona veize emege nego Timoteo teite so'a 'ahi mirihe'ohe.

² Ebu emege eze Apia, zu emege teite uti vazega teige gaue'ete'e vazega Arekipo, zu ġae neo nu'oru'ete'e ekalesia azağa mazao so'a 'ahi mirihe'ohe.

³ Badi'a emege Mama zu Zuhi'a Boro Iesu Keriso'a zae mazao manoga zu zama rogega zini'eno'i.

Filemona'a Vaze Zamare Borofe'ohe zu Iesu mazao Fie'ohe

⁴ E eġe kuru zamaġano ġa zamare'etene, eġe Badi'a mazao iġaiġa manoġa tauġi ra'ohe.

⁵ Mazaġa e ġa'a Badi'a mone azaġa nidu'a zamare borofe'ete'e zu Zuhi'a Boro Iesu mazao fie'ete'e moneo iġi'ohe.

⁶ Eme Keriso mazao fie'ete'e azaġa radu ġa'e eme teite za'uza'utite'ohe. E'e u'ano, eme'a Keriso teite tiburanadu ani'a rifi'ete'e manohugaġa nidu'a moneo ġa'a ufeta ederoga veize e kurau'ohe.

⁷ Eġe nego, ġae'a Badi'a mone azaġa inaraziro zu matu'oziniro. Ġae'a 'ouge ze zamare borofe'ete'e u'ano, e matu'e rudaro zu inariro.

Onesimo veize Umidiro

⁸ E'ano'o e'e Keriso niġano ġae'a haġaite'e haġaiġa haġao'i rae riġa tuġutuġu'oga'e idaġa.

⁹ Rehano eġe'a ġa zamare borofe'ete'e u'ano, ġae mazao umide'ohe. Eġe, Paulo'e vaze vouġa zu izidi Keriso Iesu u'ano ġu'a neġano radiu'ohe.

¹⁰ E ġu'a neġano radiu'ete'e zamaġano, Keriso hari manoġa Onesimo mazao haramadu ani e'e mae ġihiniro ebu eġe ubude reiro. Izidi e ani veize ġae mazao umide'ohe.

¹¹ Ibite ani'e ġae mazao mene manoġa reiro, rehano izidi ani'e emenane mazao manoġa ra'ohe.

¹² E ani tuġune ame'ohe, rehano e ani zamare'ohe.

¹³ E hari manoga haramiro 'ahine gu'a negano radiu'ete'ea, ani'a ege teite radiu'ena'a, e dana-hoga uratiro. Mazağa ani'a ege danahe'eta'a'e ga'a ege danahe'ete'e teigi'uma.

¹⁴ Rehano gae goere 'izema idanogano ane mo-neo e gau 'ahoga hağaoga mene uratiro. Mazağa Onesimo'a danahifine ege'a tuğutuğu'adu ga'a idağa rae rouga e mene urate'ohe, rehano ga gae'a bare uratadu idağa rae rouga urate'ohe.

¹⁵ Ani'e ga modadu mada tahiğa fararota'a'e vesu'u ani'a gae vage bare amadu igaiğa gae teite radoga veize gaogi.

¹⁶ Ani'e izidi gae mene tuğure vazega da'o, rehano tuğure vazega ufeta vitine manoga vazega, gae zamarone negoğoradu gae teite radi'uma. E ani zamare borofe'ohe, rehano ga'a e ufeta vitihe ani zamare borofi'uma, mazağa ani'e gae tuğure vazega zu negoğor 'ahoga, Zuhi'a Boro mazao fie'ete'e vazega ra'ohe.

¹⁷ E'ano'o ga e'e gae teite gaue'ete'e vazega rae zamaro'idene, e mae gihihe'ete'e teige, ani zuni mae gihino'i.

¹⁸ Ani'a gae mazao ve'oğa 'ahoga hağairo ga gaugo nu meiro ro'idene, ani aduga ege eno'i.

¹⁹ Ege, Paulo'a 'evorehe hina so'a 'adi mir-ihe'ohe. Ege'a ani veize baronogani'uma. Ib-ite e'a hari manoga gae mazao haramadu ga gabone iziga hidirote'e moneo'e ege mazao barono'i rae mene ga'ohe.

²⁰ Ege nego, eme'e Zuhi'a Boro mazao fie'ete'e azağa radu e ege'a umide'ete'e gauga ga'a mae gihinoga urate'ohe. Keriso teite tiburarote'e

zamaḡano, eḡe zama inarano'i zu matu'ohano'i.

²¹ Eḡe umidone ḡae'a mae ḡihini'uma rae zamare hune'ena'a, e ḡae mazao mirihe'ohe. E edeḡa, ḡa'a e umidone ufeta vitine borofe ani mazao faine haḡai'uma.

²² Ebu ḡau 'ahoga bare umide'ohe: Eḡe veize neḡohe 'ahoga ruhibe to'i, mazaḡa Badi'a'a zae kuru egadu e zae vaḡe bare tuḡuhoga urate'ohe.

Uhiu Ḡoe'a Ḡonaga

²³ Keriso Iesu u'ano, eḡe teite ḡu'a neḡano radiu'ete'e vazēḡa, Epafara'a ḡae mazao uhiu ḡoe'a tuḡure'ohe.

²⁴ Ebu eḡe teite tiburu gaue'ete'e azaḡa, Mareko, Arisitako, Dema ebu Luka zuni uhiu ḡoe'a tuḡure'ohe.

²⁵ Zuhi'a Boro Iesu Keriso'a zae mazao manōḡa zini'eno'i.

Buka Zaḡoḡa Ġoitore Iziga
The New Testament in the Uare language of Papua
New Guinea

Nupela Testamen long tokples Uare long Niugini

copyright © 2017-2024 Wycliffe Bible Translators, Inc.

Language: Uare

Translation by: Wycliffe Bible Translators

Contributor: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-11

PDF generated using Haiola and XeLaTeX on 11 Aug 2025 from source files dated 11 Aug 2025

c398f744-e34b-525a-a9fe-d04e84ab7b13